


~~10~~
154

TC^RHL9301.769

三

4

5



三才藻異

古董屠粹忠芝巖著



戎 澄心源校

僊釋而異著者

丁令威

學道靈墟山化鶴歸遠集華表云有鳥

華表歸來山川如昨轉盼蘇耽城頭鼓角

蘇耽化鶴

費長房

遇賣藥翁同入壺中後付一竹杖任其所之以杖投坡中化為龍

壺可入杖可出安得偷天手傳君縮地術

瑕丘仲

甯人賣藥百餘年因地動卒或收藥棄尺復披裘造取後為扶餘王驛使

為壺公為郵吏避色避地活不了死猶未

趙惠宗

宜都道士通九天籙天寶末峽郡積薪自焚誦度人經化雲鶴去火燼草猶綠

曉閱丹書夕歸瑤島世歎積薪人悲芳草

葛僊翁

嘗從吳主至溧陽風作舟覆葛獨立水上衣履不濕後白日冲舉

覆舟衣不濕噴飯蜂滿室却丹砂飛白日

婁道者

掌中有一目指七節長為僧仁宗生而啼哭召入摩頂即止焚時獨睛留

肉眼已化慧眼猶存掌浮七級心斷六根

梅福

王鳳用事福以尉上書棄妻子變姓名為吳門市卒後煉飛鴻山乘青鸞去

避鳳而逃跨鸞而去過鶴難尋飛鴻何慕

吳門有鶴市

蘇耽

至孝忽告母曰僊道成帝來召母曰誰養乃留櫃呼所需即有後化鶴現

召帝以符養親以櫃化鶴歸來孝思不匱

桂父

象林人色時黑時白時黃時赤南海尊之嘗服桂及葵和以龜腦

餐龜餌桂變幻無蹤為我告曰色即是空

麻姑

同王方平過蔡經家手似鳥爪衣有文章擘麟脯行酒日東海三為桑田矣

鳥爪可抓麟脯可擘三見桑滄一壺日月

琴高 涇人善鼓琴客遊碭郡二百餘年時從碭水乘赤鯉出入僊去鯉化為石

鯉魚風來芒碭雲起坐石懷人高山流水

蕭史 善吹能文著事本末以備史故曰蕭史秦穆公以女弄玉妻之蕭乘龍玉乘鳳上昇

負董狐才作乘龍客簫有餘音墨無留跡

王喬 河東人漢葉令一日玉棺自天而下喬即沐浴寢其中王喬有三一子晉一餐肉芝

葉令雙鳧舉網得矣恐啟玉棺不存玉履

孫博 口吐火指樹火生葉焦能水面布席使衆上舞樂不沒引鏡為刀屈刀為鏡

火可吐水可安豈坎離交媾亦泡影同觀

廣成子 居崆峒山黃帝問道千二百餘年不老

無勞形無搖精帝曰敬聞命矣無為而成

章玉子 含水噴成珠與弟子行各丸泥為馬乘之日行千里

珠可易餅馬可渡帝逆旅如逢探囊可濟 崔珏泥馬渡帝

鮑靚 漢南海守得長生術阻海風煮石餐以女妻葛洪壘石子岡盜發棺止有刀聲如雷

遇風煮石驚雷止盜羨殺東牀同頌紫誥

許遜 母夢金鳳銜珠墜生令旌陽點石代賦遊江湖除蛟患

掌鳳珠斬蛟魄錢穀堪輸丹雞犬應拔宅

梅志僊 能出神分身遠遊有無根栢栽之立茂
常淡辰不食虎繞膝九十餘尸解
黃腸托根白額也繞足分影觀梅閉門養木

葉法善 隱松陽卯酉山嘗為其祖求李邕碑文
并書不許乃夜攝其魂使就
魂可攝文其如法何親可榮法其如文何

白玉蟾 卽葛長庚喜飲博洽善書遊西湖墮木
達旦猶醺遇盜叱之刀自墮盜殺復活
千古蓬頭一生赤脚水火丹成刀兵自却

吳彩鸞 猛女遇書生文簫于道許婚文貧鸞寫
唐韻售之如是十年各跨虎去
一日乘龍十年跨虎筆墨有花琴瑟如鼓

周顛僊 建昌人觸洪武怒投火不爇水不濡後
遣訪廬山與天眼尊者對奕各以詩寄
水火不避筆墨可傳教人一著持危扶顛

陶安公 六安冶師有赤雀止冶上期九月七夕
以赤龍來迎騎之上昇
赤龍翹翹赤雀招招赤水渺渺赤風飄飄

雷太雲 成化間居太和山敝衣蓬頭行若飄雲
人望之遙在雲霧荆王欲殺之忽不見
飛蓬如飄雲若軒冕有伏弩烟霞有先著

程太虛 隱南岷絕粒有二虎侍左右忽風雨砌
下得玉印乞符祈年皆驗
狼牙也辟虎尾履召穀神役楓鬼虛空傀儻

三才藻異 十一卷 四

吳猛 幼遇異人精道術以白羽扇畫水渡江許
遜上昇猛亦駕鹿車去

畫扇渡江斬妖推轂孝子神僊恣蚊跨鹿
韋訪 夜泊涪陵江忽夢龍女迎入宮後登第知
簡州女復遣書邀至勅充北海水僊

南郡遊魂北海坦腹不解江珠應推柳轂

趙昱 隋嘉州守潭有蛟患同六人持刀入水斬
之忽棄官去

驅鱷無文斬蛟有劍碧水千尋白雲一片

一作孔元 服松實百七十餘尚艾以杖拄地持酒倒
飲常鑿地方丈任月餘不食入華嶽得道

糧貯松花飲倒竹葉鑿土息胎入山蛻骨

王鼎 初醫卜遇雲房不食行江干人見有二影
怪問之即現十影真宗召不拜遁去

煉形若鶴泚影如鳧鳳詔何為而入我廬

子薰 隱囊山每淡旬不食或臨水餒蛭或袒露
施蚊行有二虎隨即辟支佛化身

粒可絕物可親轉世辟支佛隨行封使君 化虎

衛叔卿 乘雲駕鹿見漢武臣之不言去帝悔求
其子度世追之見與數人博華嶽石上

敝屣無蹤浮雲無轄一著峯頭點君眼瞎

安期生 秦時賣藥海濱已千歲李少君云遇之
食以棗大如瓜菖蒲澗即其昇處

濟世藥囊飛身蒲澗瓜棗滄桑墨桃變幻 石上灑
墨成桃

黃安

服丹砂體赤坐一大龜人問之曰此蟲畏日月光三千年一出頭已三見矣

守爾靈龜觀我月日芥子三千丹砂一粒

藍喬

舉進士隱霍山吹笛賦詩飛昇去後見洛陽置紙百張石下令片片拽之無一破者

柳汁衣沾梅花笛落紙貴洛陽烏飛盧霍

祝雞翁

洛陽人養雞百餘皆有名字暮棲於樹朝日放散呼名即至

君其養木翰亦登天雲中祝祝物外翩翩

修羊公

魏人臥華山石榻石盡穿陷漢景帝詔問化為白羊後貯靈臺復失之

臥白雲避紅塵非初平叱石亦左慈幻身

王布衣

賣藥洛陽柳信子眉上生肉塊王與藥敷項塊破一小蛇漸長一丈王乘此去

眉蛇蟄足龍驅經年如落魄一旦效攀鬚

落魄僊賣藥

徐牧兒

遇僊弈遺一碁子拾歸遂精手談復遇得修訣僊去埋碁土湧植杖生枝

扣角拙談手神夢魚跨鹿石煮白杖還青

尹思

晉元康五年元旦呼兒視日中見人帶劍杖矛日當大亂三十年果驗

舉日電如卜世龜如較之觀日之玉

照見日何如中宮殿

王暉

魏時人白羊公子之徒居熊牽嶺種黃精虎豹為耕出入乘之後傳術王法冲尸解

白羊趨後蒼豹驅前一朝鶴控不藉熊牽

盧子基 任隆慮山喬順二子師事之教以清虛術服飛龍藥一九千年不飢
一九九轉二喬千年飛龍入腹跨鶴遊天

羅公遠 中秋請唐明遊月宮欲傳其術不許殺之後又在蜀寄當歸及至蜀始悟

月宮坦坦蜀道巍巍馬嵬羅韞悔亦何追

葛由 周成時刻木為羊賣之又賣桃市上忽乘木羊入蜀上綏山隨者皆僊

羞賣鬼 鬼化 伍作叱石鄰羊腸雖曲木道乃行

李根 兩目瞳子皆方云八萬歲則瞳子方

請問其目不記其年相顧一笑僅有倥佯 倥佯眼方

梵公 鹿元令酷公為隸杖用葱貯血多全活忽令見公行不履地修成以石白為冠羽化

葱囊解杖石白充冠鳧飛有鳥鼠餐無丹

洪生 高尚博學乘青牛往來廬山能役鬼變化攜一小籃脯果衣褥取之無盡丹成僊去

腹筥滿手籃空五峰牛背紫九轉鶴丹紅

赤松子 神農時雨師服水玉水不濡火不燒止王母室隨風雨上下炎帝女追之亦僊

煉水火丹隨風雨繞帝訪崑崙子請灑道

青鳥公 彭祖弟子入華陰山學道積四百七十歲服金液昇天

飲金液步玉虛白羊堪作伴青鳥應銜書 有白羊僊

傅先生

入焦山老人與之木鑽使穿一石云穿此成道積四十年穿此僊去

磨杵成鑽石得豈是七竅通全憑一手力

裴老人

居清源買肉飼虎以拳扣石泉出斬登僊橋蛇相公廟臭蟲皆食人妖也蛻化

一妖一劍一石一拳一飽一虎一蛻一蟬

焦靜貞

女真也泛蓬萊求師遇道者曰天台司馬承禎良師也還詣求度未幾上昇

丹臺名列紫霄

天台

路真迷津一指不隔兩塵

尹繼先

目見徽欽北行遇異人授接命術劉瑾威劫其術不言掘土得鐵鶴跨之飛去

道君安在寺人何求君跨鐵鶴世重金牛

唐公昉

為漢中吏啖瓜旁有真人莫識昉進瓜敬之授神藥知鳥獸言舉家僊去

獻瓜心誠證果家挈鼠欲易腸鳥還饒舌

昉有易腸鼠

王子晉

名子喬好吹笙隨浮丘公遇桓良曰七夕待我緱氏山至期乘鶴謝時人去

浮丘從緱山待鶴羽一朝逢鸞音何日再

樊夫人

劉綱妻令裴航搗藥名玄霜洞庭有鼈化城害人飛劍斬之

一盤懶逐一劍鼈亡一曰玄霜一葉慈航

曹道翁

結庵汀州施藥必愈市酒必醉或經旬不費有呼錢術後尸解

十日不火一呼盈橐收肘後功取杯中樂

務光 耳長七寸，好服蒲韭根，湯以天下讓，負石自沉蓼水，四百餘年復見，武丁欲相，遂遁不洗七寸耳，自沉四百年，蓼水碧，韭根甜。

周亮 母見五色霞感孕，姚坦授秘，能治怪見，形子晉，召賜芝，能變化，或老或少，九十昇天，霞燦燦，芝森森，煉成老少術，德至鬼神，欽。

偓佺 槐里採藥，父食松，體生毛數寸，方眼行，逮走馬，以松子遺堯，不受，時食者壽三百，毛已長，眼已方，松實猶堪獻，葵心終不忘。

鄧郁 隱衡山，服雲母，為梁帝合丹，貯五嶽樓，魏夫人乘雲來語，見青鳥曰：求勞得逸而逝，鳥語先將鶴背，未控五嶽樓，頭向禽同夢。

葛洪 字苑楚，浙中名山皆有藥竈遺跡，如葛山、葛井之類。

到處丹燒何年跡，沒吏不點金，民胥懷葛。

介象 能茅上煨雞，令市人皆坐不起，能變草木為獸，吳王召取，鱷作膾。

雞煨茅上，鱷釣筵前，幻泡小試，愚弄大千。

彭宗 師杜仲，有神燭術，能臥水底，竟日，或瞑目經年，能氣禁猛虎，後僊治赤城宮。

燭如日，虎如羊，赤城振鶴，斃翠水臥魚牀。

王退 幼師焦曠，授三洞訣，餐松賓至，先有二青鳥報，居常虎豹馴遶，隋文時僊去。

得三洞訣，結二空緣，赤松未至，青鳥先傳。虎有大空，小空。

黃初平 少牧羊遇道士至今華山四十餘歲羊化為石兄覓索羊叱之石起成羊數萬

變莫測山頭石笑殺平泉公萬羊不下嗌德裕名萬羊相

單道開 燉煌人衣褐食細石不臥西來日行七百里佛圖澄語不能屈尸置羅浮如生

舌不屈足堪跨餘糧留石子大夢付梅花

孫思邈 救蛟入涇陽龍宮授方濟世唐明夢乞雄黃齋送石上有表隨寫隨滅

方傳水底藥乞宮中字無鳥跡夢有蟻通

費文禕 飲江夏辛氏酒館數載不倦取橘皮畫鶴拍歌鶴下舞後復至弄笛鶴下乘去

柳枝一拍梅花一笛鶴去江空樓殘月寂

卓劍湧水揮葉行舟風流太傅君視浮鷗

謝仲初 悟道於閩皂山一日歸里苦旱拔劍刺地湧泉美過江無舟以竹葉渡

董伯華 成化間居泉州能呼風雨常賣雷一符一文童輩買符藏開即聲震後尸解

謝僊可賣風伯可呼先生驚世童子分符雷名驚世先生

王遙 治病但以八尺布裹之即愈有邪魅即畫地作獄呼之皆入忽負篋僊去

魅畫地病回春布中無法水篋底有奇雲

崔珏 令長子晝理陽夜斷陰牒拘虎河泛奏帝一巨蛇死高宗走鉅鹿白馬前道即其神

牒虎平民泥馬渡帝藉君精靈助彼神器

陸修靜 重瞳掌有篆背有斗文精象緯與陶潛

斗可射數先知何年跨鶴背重來笑虎溪 虎溪有三笑亭

明崇儼 洛州人召龍入甕取肝治病唐高憶瓜

龍肝可致兔髓 瓜名 可嘗何難絳雪再度君王

麻衣僊姑 汾州任氏永樂初不嫁麻衣逃入石

衣無跡壁留符長呼推轍女來救積薪巫

司馬承禎 隱天台天師聞其額上有日如錢腦

山中霞影赤額上日光紅真返老而還童

吳道元 善畫謂張繇後身唐明使畫粉牆山水

傳神點睛撒手入窟見道於墻致君有術

王可交 耕釣華亭見彩舫道士招往食栗上岸

招授栗歸飲菊誰知萍水交即是桃源族

邢和璞 善筭心術法活暴死者廬終南忽設具

太乙廬太倉肘簡帝心見巫首璞不待剖

許棲巖 下第歸馬墮劍閣隨馬行至太乙元君

墮雲中歸月下羨酌髓乘龍勝看花走馬

李長者 日食十棗一栢葉遇虎曰吾欲釋華嚴經可擇棲虎引至神福山九十六化

馬大僊 唐末處州女家貧養姑往來傭績去家百里有美食以箸笠浮還家薦姑即回

傭織供甘瞬息左右杯渡聖僧笠浮孝婦

張盦 號洪厓子隱姑射洞玄宗命嘯即發賣藥市中治疫立愈大霧尸解詔配肅宗

善孫登聲續韓康路手可回春足應騰霧

左慈 曹操召閉一室絕穀期年如故席上致松鱸蜀薑操欲殺之化羊去

座上鱸郊外脯變幻有聲羊玩弄無情虎

鍾離修 萊蕪丞父家病篤憂疾魂忽到家妻問之托以潛歸墓畢失在

朝天鳧魄墓父蝶魂牀頭有路甌底無塵

顏真卿 遇陶八入授碧霞丹後遣問罪李希烈縊殺之如生有商至羅浮見奕寄書還

厄難逃蛻何處坐隱兮逍遙羅浮兮來去

伊祈立 憲宗召入飲龍膏酒種雙麟芝餌帝不放還作蓬萊三山邀帝觀即辭遁入

龍膏沃麟芝抽蒿宮空有鑰蓬島遯無舟

軒轅集 髮垂地齋則分身至袖出壺飲不竭拂病即愈宣宗召致相子荔枝射覆知鵲

醫稱神齋難數手既有醴泉胸豈無果圃

張英

明儀隴令過采石遇女曰夙緣當會大儀後聞機聲逐往至洞啓女迎入即閉

空山杼軸宿世根蹤騎鯨捉月跨鳳乘風

程濟

明岳池教去家數千里日在家而往治學宮靖難師興從建文逃多以術脫

治效鳧飛亂隨龍螫振鐸之宗濟川之弼

譚紫霄

廬山僧祖亭苦石不能平以指捻訣喫水石應手如粉賜號金門羽客

喫酒滅火喫水烈石開方便門奪點頑席

東郭延

服靈飛散能夜作書身耀暗室望見數十里外小物知人生死四百歲不老

如冰之鑑若火之然彼映雪者作朝露觀

劉玄英

號海蟾悟道人累卵解印去後千餘里同日皆書龜鶴齊壽字尸解白氣化鶴

悟累卵危得解綬樂養氣若龜化形是鶴

景知常

顏如渥丹或寒浴溪暑曝日所居夜神光滿室數百歲尸解

顏如丹籌添屋寒浴可侵冰夜遊不秉燭

馬湘

字自然醉墮雪溪經日出衣不濕言為項羽召飲拳可入鼻指水逆流指柳隨走

捉大鼻醉重淵彷彿鴻門燕依稀白玉蟾

墮湖達日猶醺

馬鈺

寧海母夢麻姑賜丹生僊重陽度之同妻孫僊姑修廿年見妻先昇是夜出神逝

萱受賜荆飲芒三壺調琴瑟一夢見滄桑

張九哥

慶曆中居京，雪亦單衣，燕王召飲，剪羅為蝶，隨剪飛遮日，呼之復為羅。

從燕王飲，幻勝王圖，喚醒夢蝶，指點迷狐。

勝王有蛺蝶圖。

魏二翁

持蒲筴語禍福，驗製一續，賊竊之，翁呼名驚去。徽宗使召不見，但聞鼻雷傳頌。

竊續呼驚，持蒲談中，飲日傳真，鼻雷作頌。

侯道華

芮城人，如狂，登危如履平，手不釋卷，葺茅屋得金合，有丹吞之，上松頂，凌空去。

葺茅天作合，登松地作梯，笑僊骨亦書癡。

申泰芝

母夢吞芝孕，與玄宗同誕，召入，與張雲客絳雪丹，云服之不壞，百年復活，果然。

夢芝孕，取芝名絳雪，今度世青雲，今化身。

有青雲芝。

曹僊媪

攜幼女一犬，將渡，拒之，凌波御風，須臾登岸，與女及犬俱化石，祀之。

肉眼誰知化石，何故犬不吠，雲女還泣露。

侯先生

大中間，貨藥京師，無鬚眉，癩贅遍體，馬元夏隨出，見侯浴，一大蝦蟆也，求丹度。

田父蛙名潛形，水濱露質，度馬有丹，戲蟾無術。

王文卿

解呼雷役鬼，政和初，召命禱晴，楊州旱求雨，借黃河水三尺，雨皆黃渾，後解化。

解白屋愁，借黃河水，天上呼雷，人間役鬼。

羅通微

臨晉人，遇閻家，謂其骨相不凡，至五老山，絕粒，貞觀中，忽地震，龍出跨去。

百里驚五老，盼人可效雲，從龍應精風，鑑。

張伯端 遇海蟾授丹與僧出神遊觀瓊花各折一枝歸僧無而端有死化得舍利千餘

蝶魂折玉藥蟾魄授金丹舍利子肉飛僊

龍虎成雞犬竣試人自試未知生焉知死

魏伯陽 丹成試三弟子自服死一弟子亦服死二弟子出山伯陽即起同一弟子僊去

劉希嶽 宋道士作詩夾春雙關至頂門修行徑路此為根忽臥見飛出金蟬遂失所在

含紫氣閉玄關蟬脫歸何處長遊五嶽間

白仲理 時代無考海州人隱徐無山中合神丹成乃作金以濟窮民飛昇

詩曰丹成可渡貧窮海善積應登兜率天

郝大通 夢神受易卜休咎皆驗坐趙州橋下小兒戲累磚塔於頂不側水溢石傷僊蛻

休咎夢中浮屠頂上造化小兒弄之股掌

林靈素 永嘉人以方術幸徽宗一日見黨人碑素稽首上問之曰此天上列星也

拜天上列星扶人間正氣方術有禪於治

丘處機 師重陽金世宗賜錢十萬辭梨花養餅結實廿四枚杖擊延祥觀枯槐復茂

枯樹復新餅花皆實十萬纏腰笑他何必

莫月鼎 受徐無極法元世祖召取胡桃擲地雷電飲西湖日赤拾果殼浮觴即覆片雲

雲已吐笑虹還飲釜雷難躲勸人休擲果

徐鸞

海鹽人，能捕邪。杜女病，符召見白衣人，叱成龜，後登山不返，尋見不動，抱下，惟殼耳。

骨已脫，符可知，魄不乘龜去，魂應化鶴歸。

黃安乘龜出入。

劉女

劉安上女，九齡，與羽人談道，得度。及笄，于歸何姓，忽一白鵝自空墮，女乘之去。

幼授笈，孰執柯，揣知道士，鶴復化右軍鵝。

陳搏

字圖南，一目十行，居武當，辟穀廿餘年，夢神持劍呼曰：子道成矣，徙華山。

墮驢，顏開，螫龍，夢警，劔指金神，鳥飛玉井。

董奉

字君異，晉時隱廬山，治病愈者，令栽杏成林，菓時易粟，竊取虎逐之，穀悉賑貧。

藥瘳病，粟濟貧，杏林還有虎，橘井豈無禽。

朱橘

夢道人持橘命食，因名。後遇鞠君子修，皖公山，分身行地，立化縣前，泥塑後毀，無骨。

夢橘立名，遇鞠脫殼，增皖公輝，同巴叟樂。

橘中龍也。

趙升

學道，張道陵七試之，命取絕巖下桃實，擲下，正投樹上，峻壁難上，陵引手接之，得道。

七試不迷，九轉可指，絕壁提攜，僊門桃李。

王一處

母夢霞繞生，臨危翹足數日不移，呼鐵脚僊，洞前一石斜出數丈，二拳即墜。

鐵脚翹翹，鐵拳嘖嘖，霞氣鍾英，雲根留跡。

翟栢廷

自幼靈異，稱翟童，因戲入井中，自大西洞出，依善卷祠修煉。

非井底蛙，乃洞中鶴，善卷可依，善戲不虐。

程偉妻 漢黃門偉好黃白術妻方氏出藥成金
夫乃婦之天非人莫與傳忘結襦悔燒鉛

壽光侯 能劾鬼自縛見形有神樹治之大蛇懸
死武帝托怪假人試之立仆帝解甦

術能縛鬼效可通神老侯非假少君非真

薊子訓 坐數百人設酒脯不匱後遁去見與老
翁共摩銅人曰見鑄此已五百年矣

不空玉友長笑銅人駝悲埋棘燕語班荆

林癸午 幼牧牛吹簫畫地不踰長治病即愈河
畔一石如犬每浴此萬曆間與石俱飛

驅犬吠雲歸牛畫地引鳳緣慳牧猪心企 子晉吹簫牧猪

姚光 能分形散影吳王積薪令坐火發三息光
從灰中振衣起手常把一編人不能解

積薪不灰幻影如電手上一編甯封秘撰

王遠 字方平漢中散大夫明圖讖桓帝徵至題
宮門四百餘字帝惡削去內字隱見

易門耶揮毫深入木美門耶鞭蔡洞入腹

子英 捕養赤鯉長丈餘生角翼騎之上昇每歲
歸與妻同處數日復去如此者七十年

養鯉乘空跨鯉歸室豈聽鈞天未忘琴瑟

宋倫 服黃精廿年六玉童迎之預知吉凶日行
服黃精廿年六玉童迎之預知吉凶日行

立能飲日行可追風童迎戶外帝命天中

章震精五行以草石為六畜噴水成珠吐五色雲指鳥即墮召魚即起入崆峒昇天

從心木石應手禽魚人間弄術天上結廬

郭瓊每寄宿人家乞薪積讀主人有笥中書能悉知筭人隱事皆曉行地無跡

御風而行秉燭而讀笑人隱衷問誰曬腹

武元照蕭山人幼齋夢神曰汝本玉女謫塵授靈寶符法療疾日詣數十家訪已死矣

得秘法復超塵蝴蝶生前夢鵲音卞幻中身

范子珉處州道士嗜酒談事奇中訪郡守曰負公畫四軸畫成逝歛得片紙書天帝召

酒債盡墨債酬休再償詩債登天賦玉樓長吉召賦玉樓

蔡女僊襄陽人善繡忽有父請繡雙鳳成日父指點安眼雙鳳飛舞父與女各乘去

白髮點睛紅顏破夢未解乘龍先招跨鳳

緜僊姑修道衡山八十餘無侶傍南嶽魏夫人壇一青鳥來人至鳥必預言

有鄰伴一鳥無客下雙鳧道在是德不孤

邊洞元范陽女幼慈霜雪以米餵鳥有叟與一丹服之令處高臺七日可昇僊樂迎去

一丸即粟粒七日是瓜期鸞已去鳥仍飢

許宣平歙人唐時隱城陽山絕粒負薪獨吟李白尋之不見庵焚失在百餘年復見

已辟穀何負薪去還思跨鶴吟恐笑騎鯨李白號騎鯨僊

茅盈修恒山二弟為守盛饑盈日來年四月三不減也至期饌樂從空下迎官數百昇去

輕簪笏慕烟霞鵬程多畏棘麟圃有期瓜

柳融取杯咒成龜煮可食腸臟皆具取肉則殼復成杯矣許遜擲杯化鶴

杯變龜龜復杯但得騎驢酒趣何如化鶴奇

梁果廣寧人每採薪夜騎虎歸後死烏石潭有虎銜屍置庵中設祭一七今肉身猶存

不尋樵伴止結虎緣樵知樂利虎解親賢

趙丙漢東陽人常遊遇友酌水為酒削木作脯皆醉飽至渡無船布席而過咒枯柳即生

葦可航木可脯咒柳已返魂班荆誰堪語

趙迦羅昆明人元時有蛟化美男挑婦請治遣天神擒至喫水化形斬之不知所往

孽已滅跡可藏慎即如再出應許助旌陽

李賤子宋融州人備龍氏喜眠責之結草為人使耕耘驚遣歸驅魅不假符咒忽化

代耕可用草驅魅不須符魚作夢蝶為徒

南陽宮主嫁王成莽秉政如華山歲餘乘雲去成追之登峯遺珠履取之化為石

鳳臺空龜臺辟雲裏舞霓裳峯頭換鳧舄瑤池有

石中真人姓陳隱石室蟾負芝食野鹿同宿來京鹿負行李夢神曰鹿即龍也跨昇

囊鹿負芝蟾銜早知龍是鹿安必鶴非蟾

常醜女

蒲州常志清女，貌陋，患瘋疥，并無媒，忽出以裳蒙首浴池，出則體變如玉，昇去。

入水脫塵

點鐵成玉，鶴骨何常，龜齡可續。水僊也。

安世高

番僧，至宮亭廟神，能分風往來，忽語前世為僧，以嗔恚受報，高令見，乃蟒度之。

妖作語度脫體貪嗔已若此嫉妒可知矣

黃野人

葛洪留丹羅浮柱石，黃得粒服之，紺毛人見問，長笑數聲，響振林木，歌詩去。

吞柱中丹絕口中粒歌腹中詩忘山中曆

樂二女

陵川人，繼母酷事孝，使採茹，泣血化苦苗，採歸，怒，又令拈麥穗，龍下，俱昇。

一男化鳥

伯奇化，二女乘龍，人傳奇事，天鑒苦衷。

景素陽

襄陵人，師梁古賓，居阜山，元末兵掠，財將殺，賓請代之，刀折為三，皆羅拜去。

石未點為金身先化作鐵烈魚腸堅鶴骨

黃令微

女冠，髮白變紅，野鹿中箭，拔之，齋時，銜藕獻，臨棺不釘幕，絳紗電繞尸，空矣。

鹿知銜藕鳥應獻花黃冠脫骨赤電籠紗

林道玖

雷州人，能召雷降雨，常擲履水中，化魚，能輕高數十丈，懸空，豎旗劍，後尸解。

袖拂雲兮劍倚天手藏銀竹也兩兮足吐紅蓮魚也

馬師皇

黃帝時，治馬醫也，有龍下垂耳，張口，針其唇下，以甘草湯飲之，一旦龍負而去。

懸肘有術攀顙無從醫可師帝馬亦成龍

劉偉道 學僊僊試以白髮一莖懸巨石鼠嚙髮欲絕使臥其下了無怖色二十年成道

王元之 隨道士入江底水隨步自開見物如龍日此寶母見長生自是能泛水安坐

晶宮關寶母跨贈不須分水 犀也出自可乘槎

胡惠超 身不甚長每處稠首獨昂出雖至長者止及肩指地中金石寶器穿之必獲

君不貪高宜其上 地不愛寶宜其贈貧

鄭思遠 乘虎二虎離負經從逢許隱煖藥酒虎拾柴煨火隱患齒痛求虎鬚插齒拔之

山之君吾之徒有柴可使拾無酒可使沽

葛越 能治病善氣禁虎水為逆流歲百八十舉千鈞行及奔馬召龍作雨乘龍去

能逆水及奔虹 也馬嘯風知虎伏作雨羨龍從

劉政 一百八十歲童顏能分身千萬隱軍成林吹氣為風噓水成雲召魚鼈登岸

魚鼈手中行風雲口內致看分身總一氣

涉丘 瞑坐廿年弟子固請之乃開聲如霹靂閃如電復閉

閉目廿年放光如電閉戶十年入道如箭

尹澄 隱泰山服香芝日行七百得九丹訣投符水逆流暴死能活怪自縛壽三百餘僊去

能起屍能縛鬼願借握中符盡挽趨下水

三才圖會 卷之十一 雜錄

下皆寶誌公 朱氏聞巢上兒啼收養對梁帝食噲吐

膾吐金鱗錫飛白鶴產樹有因解冤無藥

竺道生 鉅鹿人年十五即登講座宋太祖雅重之虎丘講涅槃經石亦點頭

傳鉢鹿苑振鐸虎丘世多肉眼借石點頭

佛印 名了元住金山東坡訪之解玉帶鎮山門報之一衲

出儒席入禪林留得蘇公玉長鎮揚子金

僧安 住王屋講涅槃雌雉伏聽忽不至安曰雉生人道至越州家喚雉一女出述本來

為說涅槃為說緣覺卵生胎生隨人自托

三才圖會 卷之十一 雜錄

金地藏 新羅僧唐時居九華取土雜飯食之九十九坐化三載後開函如生骨節俱動

食飯雜泥開函見骨峯何取九生不滿百

佛圖澄 乳有孔通腹塞以絮拔之洞室以油塗掌見吉凶聽塔鈴知禍福石虎師之

傳燈拔絮抵掌塗油卽心是佛以虎為鷗

辯才 於潛人居天竺峰下復結菴龍井與徒環

師去天竺山空鬼哭師歸龍井泉香魚聆

寶達 居靈隱時浙水漲激誦秘咒止之是夜伍員來曰師慈心為物聞命矣

善持梵咒何用弩矢忠勇怒潮慈悲止水

道清 姓楊滇人誦經感現大士利物為心漁者焚網酒家噉具化時雲繞舌根不爛如蓮

目不迷舌不灰椒圖 螺屬 還戴德蓮社恐攢眉

智永 王右軍七代孫乞書者如市戶限為之穿因以鐵裹瘞筆十甕號退筆塚製銘

釋則名也而儒則仍退思禿穎進思傳燈

慧遠 姓賈杖錫廬山結白蓮社唯淵明至則許飲酒靈運求入以心雜不許

過虎三笑遺鵝 有聽 獨泣蓮社何妨開樽試筆

靈知 生無雙目號羅睺和尚經綸文字悉能明了時人號有天眼鑄鐘建塔皆經火不毀

是人非人是羅睺羅是天中天是婆伽婆

善覺 裴休訪之問有侍者否曰有喚大空小空忽二虎出○德聰有虎名大青小青

空空之輩青青之羣安得皈依盡封使君

曇超 講經靈苑一龍化人曰吾兄弟五人居靈巖怒耕者逼居閉雨師詣誦經而霈

耕讓畔○螫從繩甘霖能濟世法雨可傳真

覺慶 剽人元初坐化茶毗遍體汗下復回夜紅光貫天顏如生鬚自長漆肉祠之

流白汗貫紅光生前憐髮短死後笑鬚長

定光 姓勒名自嚴泉州人十一出家得佛法虎傷牛書偈虎斃龍害民投偈沙壅

逐虎驅龍只須一偈所以者何童身出世

國一 昌化姓章名俱詆童修來禮法欽令叱石屏裂為三賜號此每說法一雞傾聽

詩曰叱石不妨三作魄聽雞何碍一傳真

寶掌 唐僧至諸暨自云于歲種貝多木一枝在巖時有頻伽鳥巢其上

斷生滅空木月和梵出頻伽翻經落貝葉

大智 姓王少事龍泉師令浣布於井見二龍戲水遲歸詰之遂鉢探二龍獻師薙髮

香象未皈神龍先貯變化鉢中慈雲法雨

大顛 姓楊棲潮陽出入虎隨植荔千餘灌一壺皆遍韓愈召畱偈逝發棺惟一鏡

獅作座虎為賓淨餅 荔名淨 能應手孽鏡不隨身

支遁

隱沃州山論逍遙篇王羲之歎服有人送雙鶴養翮放去又喜養駿馬

未解參龍何妨畜馬放鶴心超籠鵝交雅

惟亮

築菴龜湖山有大龜浮湖中往來輒載之後捨身飼虎龜遂化石

捨臭皮囊飽左飛革餓虎安存石龜不墜

普聞

唐僖宗子建剎龍湖山約廣祐廟神持戒有龍行雨見罰求救覆衣得免後跨虎去

開方便門廣不殺戒東土五支天潢一派

阿漂

建寺雲南水目山閉戶置筐市物供役頃之自盈人窺之遂化寺有木犬客至則吠

傾筐盈盈涅槃密密木魚穿雲木犬吠日

義中

三平山有鬼穴鬼昇入潭如故乃服乞為架院令閉目五日成大魅隨侍名毛毯毯

伎倆有盡止觀無窮山中精舍神運鬼工

慧安

晦夕堂戶未開從壁隙出入後附商入湘路患痢置岸側夜見火出視已死矣

岸側非鬼壁隙非人洞乃三昧脫却四生

智僊

蒲坂劉氏女出家守戒隋文帝幼時化龍墮地曰驚兒令晚得天下告以重興佛教

驚龍入掌香象圍家曇花結果貝葉抽芽

賓公

祝髮明山寺徧身瘡疥主僧厭之每赴齋醮肩留之及至已在座後坐脫時現祥光

是真肉眼是假皮囊祥光外露舍利中藏

真俊峽山神夜叩師曰峽據清遠上流欲建一寺許之忽風雨殿像已至寺名飛來

卓錫神呼吞針鬼叫入定飛來龍吟虎嘯

釋鬼戒行嚴潔嘗有一女寄宿自稱天女鬼一心無擾女乃凌雲而去

滄海易竭須彌可遷我心如結死灰不爇

贊寧識飛鴻橋下有海馬骨辨太宗畫牛最博乃禪之茂先也

鹿苑小雛雞林老蠹繡佛書厨長齋經庫

羅岷天竺來永昌山嘗作戲舞山石隨之後沒祠之巖下時墜飛石過者驚趨呼催行石

石不點花不墜天地一戲場古今一磊塊

平麓居鳳山神輸木石見香飄隨往建寺新嶺死不毀遺言十年一更衣呼方廣佛

緇之好兮十年易之方之廣矣一葦航之

道洗朝鮮崔氏園瓜長尺餘女食有娠生子棄七日鳩燕覆翼養為僧入唐傳一行地理

瓜。颺。天。綿。鳥。覆。其。七。法。象。胸。羅。僧。得。其。一。

豐干語天台守閭丘曰文殊普賢在國清寺執爨洗器即寒山拾得訪遇之曰豐干饒舌

付拂守執爨僧一朝忽點破都是再來人

慧滿唐時誦經忽白衣造聽云是東海王少子時旱令雨答犯天禁令捨身救民遂霽

緇衣誦白衣聽能勅龍濟世勝飼虎捨身

法聰

與晉安王臨白馬泉有白龜就手取食曰此雄龍有五色鯽就手食曰此雌龍

視於形外弄之掌中彼豢鉢者較若雌雄

知苑

隋時造七石室摩筆寫經寫滿卽塞又造佛堂難辦木瓦忽雷雨松栢數萬漂積

木從天降經藉人傳凡僧藏拙廣種福田

金剛僊

唐時居清遠咒金鑠潭龍入餅將煮膏塗足渡海從衆求放之泛舶歸天竺

未酌一願龍膏足塗不然歸國何用檣烏

長水師

嘉興人註華嚴經八十一卷跌寂兩甕合葬金兵至發見手爪遶身復瘞去

甲中藏世界筆底散天花生不滅死不嗟

德聰

吳人結廬雲間余山之東峯有二虎爲之衛名大青小青行則隨時前後

老僧多事呼青呼空道在是矣晨雞暮鐘

僧可

達摩授楞伽遭賊折臂忍痛法林被破臂叫號可乞食供之林怒不周曰我亦無臂

無臂有人有覺無我無人誰曰不可

連精

元滇南旱祈雨于淨餅中出小蛇雨大降辭歸役鬼荷擔如行空不知所往

豢龍於餅役鬼於擔願師無忘救災恤難

法顯

入西竺經雞足山遇龐眉問之知是尊者追至迦葉門爲石所橫流泣而去

龐眉雞足涕泣猿聲法門無量石門無情

智藥天竺僧汎曹溪聞異香曰上流必有勝地遂開寶林云七十年有無上法寶至此

法寶未開智囊先結勝地人關異香天洩

宣什閩中開元寺衲通經典魯王表異之後居徹蓋山無水以杖叩巖即湧

翻貝心融扣巖泉應裂石分奇一國咒魚同證才辦

寶安八百歲來秀水躬運石上作山亦名五臺建院不衣臥草終後肉身不壞

手開五臺今石點頭心栽四果今蓮吐喉

月溪宣德時在印山帝召密置經覆地自覺不履賜茶南灑曰雷都焚四十八戶驗

等東方之射覆鄰樂巴之喫火果哉智果

圓澤與李源同遊見婦錦襦而汲曰此孕三年進吾為子今無逃至暮亡即三生石事也

不離破衲難脫錦襦三生猶話牛背夕陽

元照講經嵩山三叟來聽問之龍也求霖日雨禁嚴如求孫居士可致照乃求思邈果沛

可散花難驅魃居士能傾盆老僧空秦鉢

智藏宿靈曜寺夜暫用心見有金光照曜一室洞明日此中奇妙未可得言

開光明藏現奇妙相拔絮出孔笑葫依樣

惠越開皇中有戒行遊羅浮常引虎枕膝

敲魚翻貝月枕虎聽松風象緣結蝶夢空有羅浮

鳩摩羅什天竺僧姚興迎事夢兩兒登肩進女生子僧多效之什吞針盈掬盡服

針緣方開夢緣方了大闢禪宗作俑梵嫂僧妻也

寒山拾得隱天台清涼寺風狂逐之但笑拾得殘食寒山負去文殊普賢化身也

負已殘笑未絕太守有夙根老僧反饒舌豐干告

小康乞食睦州得錢誘小兒誦佛一聲遺一錢

錢出於手佛出於口即佛即心非無非有

大安則天時有女稱聖菩薩能知人心安置心四果羅地女不能知辭屈化狐去

置阿羅地遊極樂天顯伏虎手闢野狐禪

文通慧掌斲盆悞擊死沃腥者久日廿年公案當了頃卒持弓射語故卒悟立逝

僧完公案卒悟覆盆証立地果開解脫門

黃檗運悟後省母母不識辭去始知追至已登舟矣一跌而終運擲炬見母化昇

水如練炬如電度母昇天所聞不如所見

道明織草履養親及施行路黃巢犯境織一大草履標三十里外巢見之即去

不借草履經綸堪以禦暴踏破鐵鞋問誰解倒

龔聖結庵道人峯喜乘龍往來常有虎隨相應稱伏虎大師

結得道人峯龍虎從料得梵王宮獅象通

鑑源

唐時於三學山講華嚴經感聖燈現菩薩放光改井名開照

闡法結今緣然燈現古佛悟源流開雲日

妙心

閩僧母瘋僧糊一紙毬告天貯火毬內不損遂破腦出髓和粥服母即愈

鉢傳無相心切忘憂也為求瞑眩打破骷髏

儀光

朝士妻死請修福其夜合家出避師獨誦經其婦進食明旦家人見屍橫臥手污麵

翻貝葉爨鬼薪行尸主中饋坐衲度逃津

崇惠

魚朝恩於章信寺架刀成梯約高百尺惠徒跣登級如履平地

白刃可蹈紺園可栖三刀禪師可羨百尺可嗤

強練

建德中每夜街哭釋迦果廢寺大乘末以無底囊乞長安米麥受即漏地果移都

遷徙何常興廢何妨如來泡影大地空囊

僧亮

欲造金像至湘州借用伍胥廟銅器夢神相敬致贈鐘磬一夜飛至

相未空神先憶衣鉢放毫光磬鐘生羽翼

騰摩

漢明帝夢金人曰佛遣往天竺尋訪遇摩要歸釋經中國有僧自摩始

闡貝葉宗作空桑祖蓮社風開葱嶺月吐

法度

居瑯琊棲霞寺先是住者輒死度到有人日靳尚言王此七百年矣慕師道德謹奉

一錫卓萬山欽自有降魔杵何須吞鬼鍼

耆域歸天竺洛中設食五百舍俱在其去如飛後賈客是日見于流沙計九千餘里矣

百室化身萬里捷足身止赤身足非白足

曇遂夜睡聞請師設法比覺已身在白馬神廟中自此日日密往人無知者

夢中法說祠內神遊雉不傾耳馬亦點頭僧安講經雉聽

法蘭漢鑿昆明池得黑灰方朔曰西域梵人知之及蘭至曰世界盡劫火燒此灰是也

一燈開慧萬劫指迷小兒先覺老衲前知

佛調入深山一年持乾飯數升還恒有餘常大雪入虎穴中虎讓而去

飢可忍寒何知鼠笑無留飯虎慚不解衣

義師忽操斧砍民舍簷或禁之是夜火惟壞簷者獨存洗面即雨

盆作霖斤滅火非喫酒僊藥乃徒薪智果

英師西京設水陸齋夜見人稱莊襄王指徒曰此范睢白起等也

獄鬼超梵帝格函谷少青燐長平餘白骨

曇無竭至舍衛國逢群象師念佛即有獅來擒渡流沙值野牛復念佛即有鷲飛逐

佛與僧聲應響驚嶺無全牛獅座有馴象

勒漫提見洛人入嵩山取薪遠負辛苦牽取二山枕洛水頭伐足復還

移山脚枕水頭救得負薪苦難解積薪愁

法願

善相宋太祖取一囚一奴衣冠令相之願曰君多厄下堦即鈕謂奴曰下流中人

辨貴賤定吉凶姑布何以異麻衣將無同

法喜

煬帝奉內忽夜索羊頭帝怒鎖之奏喜在市遊開視見袈裟覆一白骨不知所終

白骨袈裟紅塵泡影乞爛羊頭看好帝頸

陸法和

戒行同沙門從湘東王征侯景郡多神祠最靈自和軍出無驗乃神皆從征也

從龍傑飛鷲英冤家侯景几上肉神鬼鉢中兵

功德賢

天竺人劉表宣請講華嚴不諳漢語夢人持劍擊頭來換遂變華音

臂可斷頭可換人我相皆空華夷音自判

僧會

孫權時渡江來權曰能得舍利當為造塔會齋七日于金餅得之遂建寺

非葦航非杯渡七寶現祥雲一餅開甘露

傅弘

大士也能分身或長丈餘常以飯飼虎餘棄村中化為白石可作念珠

分身非肉金光丈六幻石非筏珠顆百八

普安

有程和者來受法後和死將殮安入喚之即偃起更壽五十歲

放出回天力喚歸入地魂添海屋幻沙門

明恭

有神力常山行遇虎手撮頭尾擲之又以僧衣置磔下僧怪之恭笑為捧柱而出

撐螭頭擲虎尾若卞莊之勇過孟賁遠矣

大志

大業中除佛教上表願煇一臂以報國遂登大棚以布裹灌油爇之誦經自若

斷固可奇燒亦不測一燈之傳一臂之力

通達

將軍薛萬鈞供之欲往入內宿毆斃日吾血污不淨可作湯洗之湯沸脫入如冰

色界已空皮囊可棄水火無情出入何意

洪昉

瞑坐來夜又云闍羅王女病造齋請師遂閉日至齋極盛不見日食畢還已七日矣

天厨未鬼食曾冥司還佞佛火宅吝齋僧

僧伽

夢神告曰天旱禾死乞夕出小指窻隙外師依之是夜大雷雨旦視之有紅線

半指虹藏一犁雨足始信苾芻即成金粟

嵩頭佗

居婺州建寺萬眾引繩不動師持香念咒不假人力屹然而立

神運斧鬼引繩非跨梵咒力來現辟支身

香闍黎

止益州青城寺俗上已持酒肉遊屢勸不從因乞醉飽悉吐出皆飛走遂尸解

洗酒肉腸存乾淨地吐膾餐鳩後先一致

智廣

偶至九座山有巨蟒來師錫自飛撐住其口因入口跌坐逮出定蟒已化石矣

龍可鉢降蟒可錫卓點石歸真安禪制毒

隱峯

常擲錫空中飛身隨去忽金剛座前倒立而死其妹曰兄昔不循法死且惑人遂倒

涅槃怪飛錫傳但能頭出地何用足朝天

法璿

開元中棲鄴太白山乃晉義興舊址也有天童日供天厨常夜繞多寶塔見與塔齊

經行隨塔長下箸與天通輝太白

星化童

映中峯

法常

參馬祖曰即心是佛因悟棲梅子真基虎象馴侍無水象臥成池死虎銜石壘塔

象啓疆虎收場一朝梅子熟千古菜根香

義收

後梁僧早久積薪自焚烟舉雨降將歸人遮畱乃截左臂付曰後旱禱此必應

薪可格臂可畱渾身皆春澤立念即秋收

明淨

遊天台化食回郡虎張口求食以飯納其口明日復如之唐初召祈雨度僧

焚庭乞濟餓虎乞哀石梁不渡寶筏常開

了他

閩人持律嚴三十年不浴九十七生噉猪首坐化不壞廿年爪髮復長刺血流青

無不垢亦無無不淨無不滅亦無無不生

普明

姓詹閩人幼牧牛令人瞑目隨入郡看戲倒插其梢遂成竹居金雞巖化

金雞脫黃犢歸迄今倒插竹猶想駐雲飛

曲名

寶公

知人三世事胡太后問以粟喂雞呼朱朱後后為朱榮所害

冤冤報祝祝傳鳳照三生石雞叅一指禪

淨真

嘉熙時遊錢塘壩毀溢以偈呈安撫投海三日返言說經龍宮神聽不毀矣

法可說偈可投為螻蟻請命笑魚鼈點頭

王禪師居臨川鄉常祈雨醉臥陳氏館穴壁窺之乃黑龍也未幾坐化塑骨祀之
生胡為乎祈死胡為乎泥酒一盞雨一犁

隆菩薩永樂欲杜釋源籍童行謫為邊士吳僧隆表救之自焚肉盡骸立不墜謫皆赦
骨可立普門作柱石奏可揚佛法作金湯

慧開龍遊鑄佛像有夫婦得大鏡來捨曰此鏡若當佛心前則發心誠開像果五鏡在胸
佛在鏡中鏡即是心鏡在中心即是佛

弘道能前知鄭復禮問中曰須改元侍郎再知貢舉第二姓張同年有郭八郎俱驗
美前知服後驗數可定姓名識已超常變

僧涉西域人符堅時入長安日行五百里言未然事每旱咒龍請雨龍下鉢之帝往觀焉

龜藏胸龍就鉢足下有奔鯨口中無亢魃

玄裝貞觀中往西域取經至罽賓國有僧授心經誦即虎豹潛踪得經六百餘部歸

偈曰六百西來傳慧日三千東度闢慈雲

法欽吳僧結廬徑山有老人曰我龍也願讓此穴為卓錫所有靈雞常隨法死塚之

卓錫地天欽談經物我滅雞隨行龍讓穴

洪源明居寶坻焚化不毀作龕供之髮漸長月一剃之後為女子摩頂髮遂不長

焚不滅髮長存最毒婦人手還驚佛子魂

空如師

少慕道欲婚割其勢後入陸渾山寺見野猪與虎鬪以杖揮曰檀越莫爭即散

虎之與豕孰是孰非兩端叩竭一杖皈依

楞嚴師

名子璿宋時寓精嚴寺講楞嚴經自作疏夢文殊出口中夏竦奏號此

口中禪未盡公中公筆中傳方識天中天

佛名

三才藻異

古董屠粹忠芝巖著

毘陵莊廷偉逸羣校

隱逸而名傳者

許由

字武仲堯讓天下不受遁耕箕山復召為九州長聞洗其耳死封箕山公配食五嶽

辭讓風開混沌日鑿不長九州寧配五嶽

善卷

堯聞得道師之舜以天下讓日出作入息逍遙天地而心意得遂入深山莫知其處

作息于于卷舒寔寔絕跡夔龍遐心麋鹿

老萊子

耕楚蒙山王聘為相許之妻投畚去隨至江南孔子聞而敬之著道書十五篇

舞斑養志鼓瑟知音快猶龍意獲泣麟心

小臣稷

齊桓三往不得見日不輕爵祿則無以助主不好仁義則無以下士五往乃見

魚水何求豹霧可伏三顧得龍五往得鵠

閔貢

周黨見其含菽飲水遺生蒜不食家貧日買猪肝一片客居安邑今日給之遂去

視黨猶廉視融尤雅

張融不言鹽蒜

笑賣菜乎鄙食肉者

王斗

修道不仕謁齊宣使延入日斗趨為好勢王趨為好士迎之於門舉士五人爵而治

為國樹人為民表逸擁篲當年瞻斗此日

莊周

字子休蒙人為漆園吏楚威王聘辭隱曹州南華山因名經

闡五千奧悟四大空豈園中蝶猶柱下龍

黔婁

魯公賜粟不受齊王賜金百觔為相不就著書四篇殮時衾短曾西欲斜之妻不從

守正有妻補偏無友金粟何求珠璣不朽

姜岐

郡守召不應怒欲逼嫁其母而殺岐督郵尹益力爭乃止

胡刺史橫胡督郵競惟橫與競其品乃鏡

林類

魏人年百歲披裘拾遺穗而歌孔子適衛使子貢往言之皆一死生之語

得田野趣均遺穗利一死生致助黃老臂

仲長子光

瘖而隱無妻子結廬北渚卅年非力不食王績愛訪不交一語對酌甚歡

絕塵林逋食力鮑焦自忻北渚不語東臯

王績號東臯子

壺丘子林

鄭人列禦寇師之曰務外遊不如務內觀外遊求飾乎物內觀取足乎身

絕外觀返內照壺中日月新个中天地妙

北人無擇

舜友讓以天下曰異哉欲以辱行及我因投清冷之淵

寧沒其身不降其志榮辱之關古今異視

子州支父

堯以天下讓之曰我有幽憂之病方且治之未暇治天下舜又讓亦此對

托二豎崇却九有尊闢高尚路開推諉門

老商氏

尹生從請術十反不告列子曰吾心不念是非口不言利害七年始得並席

御風之侶飲日之徒脫胎之鶴守雌之雛

樂臣公

趙人好黃老不仕及趙滅至齊稱賢師樂教其族也

以我五千言敵彼七十城謗可息名不爭

列禦寇

不仕鄭穆公相子陽饋粟數十乘辭之妻拊心而歎後得免于陽黨

君是披裘伍婦非投畚儔不貪餌豈吞鉤

魯仲連

義不帝秦射書下聊城齊欲爵之逃海上曰與富貴誦人寧貧賤肆志

千里駒一紙書寧跨海上鶴不泣釜中魚

仲連號千里駒

東郭順子

修道守真田子方師之文侯聞而賢之

人貌天虛其木雞之養歟其修羊之螫歟

安丘望之

京兆人治老子成帝師事之愈退損為巫醫於民間終身不仕道家宗焉

埋跡巫醫甘心桑柘丹鳳銜書青牛速駕

王生

善黃老不仕召會庭中命廷尉張釋之結韉跪而繫之欲以重之也

進履教帝師結韉重廷尉道德尊朱紫媿

蓋公

齊人不仕善黃老曹參相齊聘言治道師事之及參相漢遵其道也

去煩足樂去驕可師隱則雲鶴見則著龜

翟莊

以孝友著弋釣為事長不復獵曰獵自我釣自物貪餌不鉤豈我哉卒不就徵

高飛有羅貪餌有網借物鑒身蛛隱心賞

龔舍號蛛蜘蛛隱

郭雍

陝州父師頤著易雍傳其學號白雲先生宋孝宗命錄其言已八十三矣賜號冲晦

數可徹庭可趨白雲鎖猿鶴丹詔煥圖書

高恢

字伯遠京兆人治老子經與梁鴻善隱華陰鴻東遊作詩懷之恢亦高亢終身焉

猶龍吾師伯鸞吾友鸞翔有詩龍潛无首

贄恂

字季直通五經百家受業者眾以女妻馬融永和舉賢良不就以壽終

其志尚其眉厖青氈留西席絳帳挂東牀

夏馥

與范滂等同誣黨剪髮變服入林慮山傭作事平不歸太守以車迎三返乃得

脫常侍網返刺史車自憐全瓦更避分符

鄭玄

從馬融學曰吾道東矣遇黃巾皆下拜紹餞之會者三百人

絳帳首推黃巾下拜書帶生馨德門不壞

所居號通德門

任安

字定祖稱任夫子讀史至魯仲連傳曰性以潔白為治情以得志為樂終身不仕

慕千里駒學五噫鴻漫誇木鐸先脫樊籠

荀靖

字叔慈兄弟號八龍太守辟不就卒諫者廿六人頽令號曰公行頽守諡曰昭定

生擅令名死無遺議在天德星在國人瑞

韓順

字子良天水人莽末隱南山隗囂聘為師曰禮有來學義無枉教不屈

吾道吾尊吾身吾醒吾樂吾窩吾寶吾鼎

鮑焦

周末不仕採蔬而食子貢曰子惡其君處其土食其蔬何志行之違乎遂棄蔬餓死

其心悼時其志食力採薇採蔬後先一德

庚桑楚

師老聃得其道居畏壘山大穰民相與尸祝之庚聞而不憚

尸祝不居耕鑿自活師有指李民無懷葛

李季芳

道州處士杜門著書刺史元結請於朝給田免役以風高尚

愛吾鼎式吾廬雲中有著述門外不追呼

杜林客河西隗囂不能屈第卒持喪歸陰遣楊賢刺之見林身挽鹿車曰我何忍殺義士
車○前○挽○鹿○劍○下○冥○鴻○並○行○不○悖○高○義○清○風○

楊柯

裸卧土牀覆被無褥荀子造談不答發被露形大笑

裸○而○臥○非○焦○先○而○何○笑○不○答○非○袁○安○而○何○

邵雍

字堯夫范陽人寓洛著皇極經世諸書

少○室○客○大○衍○儒○古○今○一○龜○筮○天○地○一○蝸○廬○

甄彬

定州人常五月披裘負薪有苧就僧質錢後贖苧得遺金還僧分與不受

贖○苧○心○公○負○薪○志○大○暮○夜○無○知○峩○冠○博○帶○

鮮于樞

字伯機宋漁陽人能詩賦工草書得怪松移置齋前呼支離叟

龍○蛇○在○手○珠○璣○在○口○把○臂○半○生○蒼○頽○一○叟○

徐中行

臨海人少從胡瑗學躬耕養母葬親舊之無後者累辟不就

學○有○淵○源○恩○有○支○派○白○雲○可○耕○青○山○不○買○

公孫鳳

上谷人冬單衣寢土彈琴吟咏人莫能測慕容暉徵之相見不言亦不拜

裹○不○熱○膽○不○寒○其○龍○之○變○幻○其○鳳○之○蹁○躚○

申屠蟠

少喪父廬墓有甘露白雉董卓時獨不被脅大將軍何進連徵不就

華○蟲○來○甘○露○下○保○身○無○價○名○不○沾○禍○不○嫁○

倪瓚

字元鎮，博學好古，工詩畫，家饒資，一旦舍去，放舟五湖三泖間。

畫舫無根，畫壁無痕，一生詩酒，三泖鱸蓴。

林清

避元匿福州寺，官誥命賦，即就再訪遁矣。

立就乎，豈弄才者乎，遯跡乎，豈沽高者乎。

姜肱

桓帝徵不至，使工圖其形，肱卧，暗以被韜，面言感疾，工不得見。

蒙被自韜，賣卜自潔，長夢君平，不談傳說。

孫期

習尚書易，收豕養母，從學者執經隴上，郡舉方正，賫賀，驅豕入草，不顧，黃巾戒不犯。

蠹帶烟霞，豕供菽水，相戒黃巾，不負素履。

明僧紹

明經篤行，累辟不起，齊高帝訪避之，賜竹根如意，筍籜冠。

垣可踰，竇不可入也，籜可冠，蒲不可載也。

劉勉之

因蔡京禁程氏學，絕意科舉，力耕被薦，與檜不合，即歸，成就後學，以女妻朱熹。

宗濂洛，隱耒犁，立雪流風，遠眠雲，指日迴。

高鳳

潛心篤學，執編看曝，麥值雨，麥流不覺，漁釣自適，守辟詐與寡嫂爭田，得免。

青汗潛心，黃雲掉臂，成高士名，爭寡婦利。

顏蠲

臨潼隱士，言有處窮方，四無事，當貴，早寢當富，安步當車，晚食當肉。

巧處貧，甘知足，何地非泰履，隨時皆清福。

宋織弟子從遊者衆累辟不就太守馬岌造之不見曰名可聞身不可見人中龍也

書帶烟雲鳥音絲竹室邇人遐先生金玉
李弘被召為令邑人餞之酣飲月餘不去促之曰原無心去也楊雄曰不夷不惠

未縮綬且高酣為聖為賢日不夷不惠間
阮孝緒母疾須參徧覓鍾山一鹿前導得之鄱陽王造訪鑿垣而遁願從赤松遊

感得鹿潛得龍閉門做泄柳執鞭慕赤松
張孝秀不好浮華常冠穀皮巾躡蒲履執欄皮塵尾服寒食散盛冬能卧石上

躡者蒲揮者欄枕流急坐石舒抱朴返虛
楊朴杞人真宗召問有詩送行否曰臣妾云今日捉將官裏去這回斷送老頭皮笑止之

君有詔妾有詩一朝新謔浪千古老頭皮
薛方臨淄人王莽安車迎之不就曰堯舜在上下有巢許遂隱居著書

洗耳驅犢滌硯吞魚危行言孫子也非迂
傅霖青州人與張詠善詠顯求霖不得見一日造訪日子將去來別耳後一月詠卒

出處之分止此一聚生死之交只此一語
范喬外黃人祖馨臨終撫喬首以所用硯遺之五歲祖母告之執硯涕泣前後辟舉不就

筆還未耕珠已在掌珍重硯田脫離塵網

高頤

杞人力學強記，手錄書千卷，或饋厚餉，惟計口而受，清苦杜門三十年。

著書茹荼高人之福，計口受餉通人之祿。

魏野

陝州人，彈琴賦詩，號草堂居士，真宗召不出，詔圖所居，諷寇準謝政，後悔不聽。

寧澹懷老成，見不悟，草堂言不讀，霍光傳。

郭文

隱大滌山，有猛獸，張口向文，視有橫骨，去之，王導迎至，旁若無人，資鹽自供，餘恤窮。

心不張，機虎口助，臂目無調，鹽馬蹄得意。

有馬蹄

謝敷

隱會稽，信釋氏，月犯處士星，時戴逵名重，人憂之，俄敷死，曰：吳中高士，求死不得。

大乘胸藏少微，占繫全生，固難求死，非易。

陳陶

劔浦人，累辟不就，嚴譔守郡，遣妾蓮花試之，不納，妾獻詩答之。

詩思冰清，風情雲薄，蘭可共幽，蓮可獨却。

徐穉

南昌人，非力不食，弔郭林宗喪，置生芻一束而去，常以磨鏡具自隨，陳蕃懸榻待之。

弔郭一芻，弔瓊千里，鏡可磨人榻，難並已。

韋旻

閉門力學，衆以書樓目之，隱洪羅洞，號白雲先生，善內養，壽百餘終。

樓頭萬卷，洞口片雲，北窓二帝，南極一君。

嚴遵

臨邛人，字君平，賣卜成都市，日得百錢，卽閉肆著周易，楊稚師事之。

公明侶，子雲師，胸中原有象，牀下不楮龜。

周朴 福州人黃巢叛將用之曰我為處士尚不
屈天子安能從賊斬之湧白膏數尺

土木冠裳膏盲泉石一旦凝霜三年化碧

董正 高潔不就辟鄉里有不平多詣直之袁閔
聞於朝詔旌墓門

生遯嘉死表異存天壤古心發人間正氣

管師復 仁宗召至問卿所得日蒲場白雲耕不
盡一潭明月釣無痕稱卧雲子

買風無價釣月無痕寤歌之室道義之門

徐伯珍 龍游人少孤貧以箬葉學書累召不出
兄弟四人俱杜門白首時稱四皓

鶴髮白龍鬚青 居有龍竹徑翻蝌蚪商山話鶴鶴

陶宗儀 好著述田間恒携筆硯置甕樹下有得
即書以投久成帙曰南村輟耕錄

甕滿樹下穎脫田間草堂佳構稗野高談

張仲蔚 平陵人與魏景卿同隱博物善文蒿徑
蛙鳴曰足當一部鼓吹

博遍物樂同朋既羨蛙如鼓應知螢作燈

陸著 累辟不就惟娛棲遁戒子弟勿苟仕濁世
子孫遵訓二代不仕皆有盛名

視蹤如萍視華如蕘視身如圭視世如鏡

許詢 徵不就杖策披裘隱於永興西山憑樹構
堂支遁謝安與之遊

屋傍老龍鱗門無題鳳跡慕披裘薄杖策

臺○佟○隱武安山穴居採藥刺史言其甚苦日存神養和視久惕世事反不苦也
胸○中○有○壑○壺○中○有○藥○忙○中○有○閒○苦○中○有○樂○

劉○訐○刺史辟之挂檄於樹而逃常著穀皮巾披衲衣每遊山澤輒流連忘返

捧○檄○何○重○挂○檄○何○輕○重○非○慕○祿○輕○豈○沽○名○

張○牧○之○隱竹溪不與世接客來蔽竹窺之或韻人則呼船載之或自刺舟與語

鴨○頭○可○語○鵠○影○難○圖○一○生○密○友○半○是○黃○姑○竹名

鄭○仲○虞○漢章帝自往終不仕日陛下何惜不為上世君令臣得為偃息民賜祿終身

辟○門○潛○確○翠○蓋○空○林○烟○霞○中○物○義○皇○上○人○

李○勃○隱居少室山以右拾遺召上書不拜

竹○風○晚○披○山○雲○曉○弄○願○效○飛○鳧○不○隨○鳴○鳳○

韓○康○賣藥長安市有女子買藥價不移怒曰汝是韓伯休乃不貳價康以知名遁之

名○可○逃○不○知○故○不○識○跡○可○冥○不○貳○故○不○測○

蘇○養○直○紹興間徐師川同召不起徐就聘過蘇對奕拈子笑曰今日讓老夫一著徐慙

招○鶴○風○松○留○人○雲○壑○一○局○世○情○獨○籌○先○著○

潘○師○正○居逍遙谷高宗問所須曰茂松清泉山中不乏韋夏號逍遙公日給河東酒

叉○手○吟○松○枕○流○嗽○玉○河○東○三○升○不○求○煖○腹○

林敏功

治春秋不第歸杜門二十年貫通六經百氏尤長於詩徵不奉詔賜號高隱

列宿羅胸長吟抱膝枝借鶴棲花生麟筆

褚伯玉

王僧達禮致停郡信宿纔交數言年十八父為之婚婦入玉出居山能耐寒暑

輕鷺序美鷗浮不解于飛樂豈尋沾背憂

張忠

隱太山修道養法弟子五日一朝鑿石為釜人皆法之符堅徵乞還華山

自在觀天然釜煮石儔枕流伍開山之祖

應曜

隱淮陽山中與四皓俱徵不就人謂商山四皓不如淮陽一老

詩日出處讓人成羽翼山川留我壯鬚眉

商容

告老子以舌存齒亡之道武王入商式其問

受命老子式間新王一容留姓殷祚未亡

陸通

楚人昭王時見政無常遂徃遊諸名山食桂實菁子隱峨眉山號接輿

甘箕子節樂季女飢鴻將桂食鳳不梧栖

盧鴻一

博學著書隱嵩山開元初禮召不至自圖十景以序

十洲勝槩一枕徜徉夢尋雲壑雲卧書牀

劉麟之

桓冲聘不就至家先見其父父使麟自持壺豆冲勅人代曰非野人獻芹意

嘉賓輿從野老壺漿出寡蘭臭入饒芹香

公義潛

魯人與子思友穆公因子思致命欲以爲相子思曰臣不能操竿下釣以傷節

設餌雖芳操竿胡忍易曰確乎龍德而隱

呂徽之

耕漁仙居見人咏雪分藤韻代續跡之桶中有聲其妻也換酒歸飲次訪遷矣

桶無粒甕有春一藤堪釣雪半榻不留雲

田何

齊人漢興徙杜陵授易五傳至何惠帝親幸其廬以受易

紹衣羲畫祖述孔編秦火不厄漢贄擁前

丘訢

少有大才不與俗伍郡守召見曰明府欲臣耶友耶師耶皆訢所不用也遂不屈

羞燕伍美鴻程雲霞欣膠漆蘿薜勝簪纓

裴休

字公美畫誦詩夜著書有餽鹿者諸生共薦之不食經年不出戶裴寬瘞鹿不食

扁戶絕人操觚泣鬼瘞鹿可交潛龍堪擬

顏闔

魯君以幣聘闔曰恐使者謬聽不若審之使還問復來已失之矣

辭有術遁無聲終南多猿鶴儘日盼弓旌

宋勝之

少孤篤孝兄哀爲東平內史召之去牧羊以琴書自娛孔光聞而辟之不至

吹笙牧豕子彈琴牧羊初平氣合叱石卜式心涼

孔淳之

居會稽好山水遊必窮趣徵辟皆不就與戴顓王弘之王敬弘共爲物外遊

幽中窮趣物外忘形不尋蓮社亦夢蘭亭

孟陋

少清立布衣蔬食口不及世事或弋或釣孤往獨歸雖家人亦不知其所之

甘藿藜腸勝蜘蛛隱釣不在魚弋豈在隼

郭泰

與李膺同舟時人以為登仙遇雨折巾一角時人效之過逆旅必灑掃清潔去

名不沾道不枉美爾共仙舟問誰脫世網

矯慎

學黃老導引之術穴山為室吳蒼遺書以觀其志不答

水石吾願呼吸吾功獨怪斥鷃輕覩人龍

祝牧

與妻偕隱作琴歌曰天下有道我韞子佩天下無道我負子戴

戴笠無憂援琴足樂不歎文犧豈悲別鶴

馬樞

覽書二萬卷隱茅山依託者數百家有白燕馴狎几案三十年

汗牛克棟馴燕依巢瑣尾託命高步凌霄

牛牢

與光武言志曰義不與帝為友及即位徵稱疾勅州郡官者先到存問不答詔

羊裘不披牛衣不泣君縱宣麻我長荷笠

劉凝之

枝江人隱居歲饑衡陽王餉錢十萬見市有饑色者悉分與之

陶奴米可辭衡陽錢可濟飽乎仁樂乎義

董景道

隱商洛衣葉食果彈琴娛笑毒蟲猛獸繞其旁劉元海屢徵不得達

草衣木食似古非今毒蟲猛獸出聽彈琴

杜五郎

隱名不出籬卅年、黎陽尉訪之、日向擇日賣藥供食、後子耕食俱廢、惟端坐耳

韓○康○藥○賣○吾○少○孟○節○棗○含○吾○老○子○平○願○了○

朱百年

携妻孔入會稽山、採薪置路、人留錢取之、遇雪無資、送妻還、晴迎之、談玄詠詩

行○歌○負○薪○不○殊○買○臣○雨○逐○晴○呼○何○類○鳩○夫○

陶淡

廬臨湘水中、養一白鹿、自偶、親故往候、輒移澗水、莫得近

白○鹿○吾○友○白○雲○吾○家○白○水○吾○界○白○丁○吾○遐○

宗測

炳子、遍遊名山、寫向平圖於壁、齋老莊書、自隨、長嘯往廬山、豫章王兩徵、辭

慕○五○嶽○遊○闡○五○千○秘○跨○五○老○峯○作○五○禽○戲○

也、修養功

法真

明五經、識緯、田羽薦之、四徵不就、曰吾不能遁形、遠世、豈顧洗耳之水哉、深自隱絕

遁○形○壁○絕○洗○耳○河○清○入○林○未○密○何○怨○弓○旌○

夏統

採相求食、或拾蛤蜊、以資養宗族、勸之仕、曰汗隆之間、自當耦耕、豈可辱身郡府

拾○蛤○採○相○豈○將○求○食○我○擬○其○倫○長○沮○桀○溺○

顧况

有時宰招之、答以詩曰、此身還似籠中鶴、東望滄溟、叫數聲、後得道化去

潛○志○確○脫○殼○奇○竊○比○凌○霄○鶴○羞○聞○入○甕○雞○

醢雞未聞大道

趙質

隱燕城、章宗遊、聞弦誦、幸其齋、見壁詠、命仕曰、臣志在長林、豐草、金鑣、玉絡、非願也

莫○冷○壁○上○題○莫○放○花○下○杯○歎○廟○犧○樂○塗○龜○

朱仁軌

隱居養親，誨子弟曰：終身遜路，不枉百步。終身讓畔，不失一段。

守李之雌，弄萊之雛，遵鵠之訓，學蝸之廬。

陽孝本

隱通天岩，蘇軾海外歸，造知其不娶，戲以為元德秀，自言陽城裔，稱玉岩居士。

為陽城支，為東坡友，為德秀孤，為孝秀偶。

吳瑛

臨溪築室，種花釀酒，客至必醉，問臧否，不答，有貴客過，酣以樂器扣其頭為節，不忤。

時坐花頻醉，月天子腹難加，貴人頭可節。

崔覲

耕耨自給，老無子，田宅分給奴婢，與妻隱南山，嘯咏自娛，奴婢過舍，分給酒食。

無婚嫁，累得童僕，貞學蘇門嘯，偶鹿門耕。

管寧

與華歆鋤，見金不顧，歆出視，乘軒，割席，分坐，一木榻，五十年不動，十徵不起，隱遼東。

揮金手，割席腸，皎同華表鶴，修類石牀羊。

修羊公，卧石牀。

陸夸

高邑人，安貧博學，與崔浩善，徵中秘，強入京，浩留叙，絕不及朝事，不敢勸，掉臂去。

寒可策，鶴難羣，肯把故人酒，搖動故山雲。

蘇庠

以詩著名，人比之李青蓮，屢辟薦，辭秦檜，欲召見之，曰：吾老矣，不忍取雲壑。

吐鳳可誇，釣鼈可匹，寄語販雲秦頭，壓日。

李業

梓潼人，避莽匿名，公孫述徵，曰：起則侯，不則醜，業遂飲死，述耻，賜錢百萬，子逃不受。

歎雲中鶴，懼井底蛙，以身殉國，有子克家。

令狐揆

隱安陸常雪中跨馬入城請張君房借書蒼頭負琴友林逸繪其圖

青猿也

借肩紫燕也

代步畫圖中人典籍中蠹

陸龜蒙

性野逸時乘舟賣書釣魚呼江湖散人

鳧舟釣月蠹簡吟風無懷野老忘機海翁

林逋

字君復隱杭西湖孤山三十年不入城市今留放鶴亭

香猶暗影還疎亭在鶴猶在山孤德不孤

焦先

獨止蝸牛廬冬夏不衣常不食伐薪施人廬焚露處三召不出年百餘忽老忽少

丹結雪中廬綠結雲中斧難定鏡中之觀

何點

柴車草履隨意所適必醉歸梁帝賜鹿皮巾拜常侍辭與弟同隱

鳧履穿雲鹿巾辭帝相勸榴花

酒名孔懷棠棣

王霸

王莽徵尚書不稱臣披髮入山光武召不起蓬戶褐衣自高其志

茂樹招香泉沐齒可折山腰足不加帝腹

周黨

散金賑宗族三聘乃就車陛見伏而不謁自陳願守所志隱居澗池

九族睦三聘辭隱霧埋書案清風拂酒卮

向長

字子平讀損益卦知富貴不如貧賤婚嫁畢與禽慶遊五岳不返

五嶽遍一禽和豈乏烟霞癖其如婚嫁何

夏鵬貴池人與兄鴻撰十三代史畧累辟不出子乾錫亦隱

鵬不搏鴻與俱跡留身後鑑志繼掌中珠

梁鴻字伯鸞扶風人同妻變姓名居吳臯伯通家死葬要離墓側

五噫歌四皓賦眉齊臯伯廊魂旁要君墓

韋瓊杜陵人徵辟不就琴書自娛周文賜號道遙公日給河東酒一斗

彈夜月餐朝霞寧飲河東酒不賦亭北花

陸羽字鴻漸隱苕嗜茶能辯水著茶經自稱桑苧翁人稱今接輿

水中精草中癖人謂接輿今吾比丹丘茶昔

弦高隱於商秦襲鄭高矯鄭伯之命以十二牛犒秦師告鄭為備得存國賞高遂逃

忠可矯詔廉不受賞智囊者流高尚之黨

鍾皓少篤行為二兄未仕避隱密山九辟不就諸儒作頌

纁帛空張墳篋同老頌漢諸儒續秦四皓

崔唐良閩人下第買舟貿易不歸遇友即遁留詩案有黃庭尊有酒少風波處便為家

役名利逐波濤一網打不盡一篙撐得牢

皇甫謐家貧帶經而耕累辟不就號立晏先生著高士傳

書橫牛角花點鶴衣鳥催布穀竹蠹珠璣

任棠隱居授學有奇節太守龐參謂之以一大本薤水一盂抱兒孫置戶上龐悟無言之教無鈴之鐸無絃之操無方之藥

樊英順帝徵強輿入殿帝曰朕能生殺何慢命曰臣萬鍾不受簞食不厭帝不能屈

一膝不屈萬鍾何加君操霜露臣領烟霞

鄭敬隱蟻坡精學督郵鄧敬過訪方鈞折芟為坐以荷薦肉剗瓠盈酒談彌日屢辟不就

芟可薦馨瓠可薦醕魚既聆音花亦解語

邴原齊人公孫度聘歎曰雲中白鶴非燕雀所羅也郭瑀被徵曰此鴻安可致哉

郭指鴻邴指鶴弋可暗中施網無空裏落

胡昭河南人居陸渾山躬耕力學漢末賊亂相戒勿犯胡居士境

黃巾無犯青隴可耕擁書萬卷坐保百城

袁閔父為彭城相見諸父貴感歎曰此三卻矣散髮絕跡築土室自居

三卻可鑒三窟不營三平日適三徑風清

蘇雲卿與張浚善避難東湖灌園自給浚入相貽書招之微服造訪翌日遁去

爰取潛卦取遜梅自調彼羹蔬且飽吾飯

郭延卿西京人少與張文定呂文穆遊張呂作相薦之不就葺亭藝花自娛

萬卷胸中一尊花下彼調鼎乎遜灌甕者

沈顛 樵採著書叔勃貴歸不往勃就之送不踰

多著述。少寒溫。雖貴不如賤。豈卑可踰尊。

鄧旦 絕意進取詩酒自適卜築東郭扁曰尚友郡檄下曰勿復敗吾佳思

書在左。甕在右。東郭履。雖穿北山文不就。

吳復古 謝去蔭官灌園教子隱居麻田山中常絕粒東坡弟兄雅重之

無米可炊。有蔬可療。無官可羈。有子可教。

王昭素 篤學不仕有至行市物隨言還直不較高下市人相戒勿欺

非徒淹貫。不較錙銖。志存猿鶴。信及豚魚。

董京 至洛陽被髮吟咏乞市得殘綿結覆與金帛棄之忽遁去寢處留石竹子詩二章

玩世殘綿。遯世殘年。遺世殘篇。笑世殘延。

王珪 築室南山號志堂居士左右松竹題曰竹隱鶴膝雞距白眼皆竹名也

開鶴膝徑。沐雞距泉。白眉空谷。白眼青天。

羅威 性孝温清必篤鄰牛犯穡刈芻納之老稚負戴必代任鄉間化之令召遂遁

温清也。勝華秋。固爾負戴也。賢祝牧遠矣。

鄭樸 字子真谷口人修道王鳳聘之不屈楊雄盛稱其德名振京師馮翊刻石祠之

卻鳳詔。效鴻冥影。留石居士名。重草玄亭。

魏桓被徵曰進取行志今後官可損乎廐馬可戒乎左右權豪可去乎生行死歸何有哉

翟湯潯陽人操行介絕屢辟不就子莊孫矯曾孫法克世其德稱潯陽四隱

箕裘克紹松竹爭妍老成猿鶴並弄曾公

朱冲清節好學徵書至逃入深山鄰人失犢誤認其犢即與之有牛犯田禾即束芻送去

負德公德學愚公愚持清節節卻徵書書

鄭樵隱夾深山字漁仲博學好古凡天文地理藥石諸書罔不究心有志畧

不山而樵不水而漁夔非不足蠹亦有餘

葉以清尚節俠友死無子治葬餘悉與其弟妹過客寄橐卒後還之隱居蕭塘不赴召

重季布諾輕披裘金不欺生死自邁古今

龍丘萇王莽累辟不就任延為會稽尉以萇有原憲之節侯吏相望於道

蟒難招鵠自許不累一片肝長皎千尺羽

梁震唐末登第不仕高崇誨為築室常披鶴氅自號荆門隱士跨黃牛出入

曾染汁不曳裾鶴衣歸帶雪牛角出橫書

韋退絳州人放誕不拘浪跡秦晉以詩自名常跨白驢自舞石曼卿贈以詩

詩中狂酒中樂長跨白墮驢有驢休比羊公鶴

譙公

公孫述聘辭，劫以毒藥，欲飲之，子泣求奉。錢十萬贖父，許之。蜀平，帝祀中牢。

中牢崇祀。一鳳高翔，藥甘如齋，銅亦生香。

王皓

述徵恐不至，先繫其妻子，曰：犬馬猶能識主，况人乎？自刎付使。

瓦難全。劔可伏，幾見井底蛙。能致雲中鵠。

韓福

涿州人，昭帝時以行誼徵，病。元鳳元年賜帛歸，詔修孝弟以教鄉里。

鵠高舉，今鴻冥。飛翼不求附，今羽可為儀。

郎詠

隱西山，業樵，入市遇人賣，曰：我西昌逸士，酒中人也。我既獻公，所闕公當惠我所無。

彼負薪者，豈壺隱哉。半肩風月，一肚茅柴。

酒名

謝遺塵

有道之士，隱四明山之南雷，有謝隱岩。訪陸龜蒙，言山中奇勝，命賦九詩。

塵不染石，留踪栖真真。豹隱選勝勝，龜蒙

孟浩然

郡守韓朝宗入秦，先約日引謁，及期會文，酒甚適，人促之曰：飲矣，遑恤其他。

約雖負道不同心，可超物外塵。不落杯中

王嘉

字子年，貌醜滑稽，不食穀，隱東陽，知未來事，服器置架上，人取自升著，拾遺記。

穀已辟，物何關。滑稽笑一世，筆墨動三山。

宗炳

好書畫，臨山水佳處，嘯傲忘歸。劉毅辟辭，日栖丘飲谷三十年，豈作折腰吏耶。

好譬則蠹也，嘯譬則鳳也。聽鸚乎放鶴者。

齧缺堯問許由曰缺可配天平曰缺聰明睿知性過人而乃以人受天彼且棄人而無天

天已冥身皆幻物我可渾忘古今無缺陷

孔嵩備新野里卒友范式行識之歎息嵩曰侯嬴長守賤業晨門肆志抱關勅令代不去

贈○緜○故○人○情○抱○關○高○士○想○各○有○志○毋○容○強○

翟法賜柴桑人祖父俱高尚結茅廬山皮草為衣家人求之石室復遠徙終岩石間

衣○草○也○與○哉○茹○草○也○噉○石○也○與○哉○煮○石○也○

范元琰字伯珪錢塘人通經史佛義不出城市獨居如對賓惟園蔬為業辟命不就

蔬○作○鄰○貧○作○賓○禪○作○林○書○作○城○何○羨○弓○旌○

符融陳留人妻亡無殮張元祖推車欲為具棺不受土埋之與郭林宗並不仕終

賻○不○辭○埋○不○土○有○道○固○可○宗○無○情○亦○太○苦○

賈收能詩善飲東坡作古木怪石書後曰賈貧有能月致米三石酒三斗終君世者贈之

詩○中○有○畫○畫○中○有○酒○酒○中○有○詩○詩○中○有○友○

龐德公劉表訪耕隴上妻饁表問子孫計曰吾遺以安耳遂入鹿門

辭○君○璧○帛○遺○子○桑○麻○鹿○豕○道○友○雞○犬○仙○家○

田遊巖入箕山號東鄰高宗親至門問之曰臣泉石膏肓烟霞痼疾

白○石○耽○青○松○戀○洗○耳○有○東○鄰○捫○心○無○北○面○

三才圖會

三

木園

